

Риёзус солиҳийн шархи / Риёзус солиҳийн шархи / 879-ҳадис

879 - وَعَنْ أَبِي هُرَيْرَةَ رَضِيَ اللَّهُ عَنْهُ: أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: «لَا تَبْدِأُوا الْيَهُودَ وَلَا النَّصَارَى بِالسَّلَامِ، فَإِذَا لَقِيْتُمْ أَحَدَهُمْ فِي طَرِيقٍ فَاضْطَرِّوْهُ إِلَى أَضْيِقِهِ». رَوَاهُ مُسْلِمٌ [2167].

879. Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: «Яхудий ва насороларга аввал салом берманглар. Кўчада улардан бирини учратсангиз, тор жойга юргизинглар», дедилар».

Имом Муслим ривояти.

Шарҳ: Қози Иёз айтади: «Бу тор йўлда уларга ҳурмат-эҳтиром кўрсатиб, йўл четига ўтманглар, дегани. Бунинг маъноси уларни кенг йўлда учратсангиз, йўлнинг четига сиқиб чиқариб юборинглар дегани эмас». Бу фикрни Куртубий ҳам қувватлаб, «Агар ундай қилинса, сабабсиз азият етказилган бўлади. Азият етказиш эса тақиқланган» деган. Имом Нававий: «Тор жойга юргизилса ҳам, чуқурга тушиб ёки деворга урилиб кетадиган даражада бўлмаслиги керак», деган.

Манба: hadis.islom.uz

